

會教督基華中南閩

簡 史

(部永泉)略史會教方北 卷三第

北
方
教
會
略
史

PDG

閩南中華基督教簡史目錄

第三卷

北方長老會史略

(泉永部)

- | | | | |
|-----------|-----------|-------------------|-----------|
| (一) 安海堂會 | (二) 泉州堂會 | (三) 祥芝堂會 | (四) 金井堂會 |
| (五) 泉西堂會 | (六) 永春堂會 | (七) 安溪堂會(附英都教會簡史) | |
| (八) 洪瀨堂會 | (九) 永甯堂會 | (十) 蓬壺堂會 | (十一) 石井堂會 |
| (十二) 溪尾堂會 | (十三) 官橋堂會 | (十四) 詩山堂會 | (五十) 石獅堂會 |
| (十六) 湖祥堂會 | (十七) 黃坂堂會 | | |

第三卷 北方教會史略

(泉永部)

安海堂會史略 (一)

長老會之入廈門也。既如上述。茲欲繼續入泉事業。當以安海爲首屈。安海者，晉江縣南關外之重鎮。爲興，泉，永，往廈通衢。舊名安平鎮。有明之世。置直隸廳。鎮，協，諸重職。將設安平縣治。會倭番入寇。城市爲墟。改設縣丞，都閩府，汛防。清代沿流。未嘗更變。民國以來。政變不已。北政府時代。仍設縣佐一缺。西南靖國時代。設安海縣。割晉，南，同，三縣地。晉江自青陽以下。南安自溪尾以南。同安自馬巷以上東北諸地。比之晉江舊治爲大。安海既於地理上爲重要。且據興，泉，永，出口要津。則聖道欲入內地。非從安海不可。英長老會。既盡力布道于白水營。馬坪，坑尾，橋內等地。自當再謀佈道于安海。以求達到興，泉，永，三府州。如是英牧師杜嘉德。於一八五六年。乘福音船到安鎮布道。當時未有輪船。海行者均賴帆渡。廈安相

去雖僅百三十里。而帆渡常行數天。方得誕登。而且渡船污穢難堪。兼以種種未便。故公會自造帆渡。稱之曰福音船。福音傳入安海。安海人極力攻擊。始而禁人賃以第宅。繼而禁與牧師傳道者之交遊。終且擲石揚沙。鎮中二十四境紳商街衆。均各演劇禁阻傳授。時傳道者。蔡擇聚傳寬。始終容忍。乃賃得咸德境黃某之宅爲講堂。無如鎮中人反對甚烈。明攻暗阻。無虛朝夕。卒被縱火焚劫者數次。由英領事交涉。周道尹出示。勒石堂外嚴禁。始得稍安。後徙玄壇宮后。蔡相公私塾連街店二座。軒豁高大。鎮人更憤。攻詰愈甚。又賄乞丐日日到擾。幸傳道人體主救人宗旨。專心容忍。惜聽道嘉納者少。中西傳教士。所受苦惱筆難縷述。布道數年。方於咸豐十年七月二十四日。施洗鄭爽，與弟坦，及吳江，陳勵。及數貧寒者歸主。鄭爽乃鎮中無業窮人。嗜好甚深。任境中更夫。與弟坦聞道而信。改過遷善。革烟癮。去舊染。作新人而歸主。後進教學道。終身任傳道與執事長老職。爲安海教會之首實。嗣與弟全家信主。坦子資訓。任英華書院院監。亦爲長老。爽兄弟信主。而

兩妯娌均極端反對。嘗以穢物待諸同道者。家庭之攻擊者數年幸後蒙感化而同歸主也。厥後信者漸衆。均由苦中得來。受過多難者。一，以教道從外洋傳入。二，以禁絕迷信。凡迎神賽會演劇諸費不供。三，以廢除祭祀。而俗方以爲重。故信者均以諸端而受盡窘逐。彼有名士，紳，商，賈，殷戶。視教會爲不屑親近。凡親近者。均被擯絕革逐不齒。惟上帝之道。恆隱於智能。而顯於愚弱。人雖厭棄。而聖神恩化有人。教會因以逐漸蒸進。可知教會乃上帝所關重。人力不足以阻撓之。牧師趙封潯國忠封波弟兄由父母信而先後歸主。（有趙母傳記）於今四代。一家多服務聖工。許聲炎之祖母父母均同治初年信主。所受逼迫。難以筆述。然主竟舉用爲僕。於今六代。而任牧師，長老，執事，教員者多數也。許職成亦由父母信而歸主。且任牧職。外此而爲傳道，教員者。居長老會屬最多數也。一八八〇年。購買興勝境店鋪兩座。翻建廣大會堂。以及學校。西士寓所。一八九五年。林牧師購買頂墟埔隘門東宅地。而建牧師住宅。以及女學校。

一八八二年。清光緒八年。聘陳甘泉爲牧師。以英長老會南北合算。爲任牧師者之第二。以泉永算之爲第一。陳牧師不但任安海堂會一堂會牧師。兼巡視泉永各教會。直至泉州堂會聘請牧師。方減少責成。一八八七年冬。陳牧師爲白水營堂會聘去。一八八八年春。聘鄭法力爲牧師。以繼陳牧之任。鄭牧年方而立。年力富強。爲迴瀾中學學監兼教員品德優美。會人盼望久任要職。而振興基督教於此衝要地上。誰想在任纔滿一年。因勤勞致感冒中。發現大熱。生出咳嗽。漸傷肺部。卒成肺疾。臥病週年而逝。會人傷悼不已。安海教會暫失牧者。未能連聘牧人之時。公會調官橋支會傳道。現任安海長老之許聲炎。補充傳教之職。兼籌備重聘牧人之責。奈鄭牧成病之時。會人有與外人涉訟者。有結爲黨援者。有道根未深而渙散者。有無意重聘牧人者。種種困難。其中最感困難者。欲顧恤已故牧師家屬。而力不足重聘。欲不聘牧師。而大會敦勸之。故總會特組牧師孤寡會。發端在此也。時許聲炎本其責成。與一二任職者。力爲調劑。幸得會人同心諒解。再於一八九〇年冬。聘

聖道書院院監林溫人爲牧師。而許聲炎於一八九一年春月挈眷前往金井開荒。林牧師在任八年。本其勤惻誘掖之善工。教會進步不少。一八九八年。林牧師爲永春新成堂會聘去。教會大失教導。自林牧去後。教會選聘牧師。費盡心思財力。奔走南北。計二年有半。選聘牧人凡十次。乃選金井進名傳道許職成。於一九〇一年夏月。立許職成爲牧師。許牧勤勞。教會活潑。聽道人數。爲歷來僅有。在任四年。適各地鼠疫盛發。許牧與其次子元祥。竟斃於疫。遺妻與長子元輝。及六個女子。實感困難也。後長女遣嫁傳道黃宇宙。不久而卒。長子元輝長成學醫。畢業後亦卒。妻黃氏夫人。又卒於疫。所幸存者。諸女子尙留二三。有嫁教會任要職者。一九〇五年季春。再聘許葛明爲牧師。一九〇七年春。許牧以事退職。教會仍數次選擇牧人不得。一九〇八年終。乃聘得施憐得爲牧師。牧師爲廈門竹樹堂會長老施來冬長子。施長老善陶朱術致富。而不欲其子繼續商業。欲其子盡數服務聖役。誠聖會僅見之士也。宜乎子憐得，吉祥，恭敬。等五人均成牧師。一九一二年。施牧師爲廈門溪

岸堂會聘去。同年選聘石井堂會牧師黃日增繼任。自一八八三年至今四十年。繼續來任牧師者七人。爲閩南教會之僅有。而聘就與不就者。凡二十餘次。亦閩南教會所獨擅。教會爲牧師任期之晏遷。與聘請期間之停頓。均於教會進行大受影響。其安海今日教會之謂也。民國光復。政府以官產出售。故安海教會牧師黃日增。於一九一七年。極力設法買得舊都司，汛防營衙。以及寨仔寨埔全部。計長四十七丈。寬四十六丈五尺。地居安海最優美地點。現將教會以及學校。移建是處。誠得其所哉。安海教會創設迄今。六十餘年。分爲二時期。一八五六年。迄一八八二年。爲第一時期。一八八三年。迄一九二六年。爲第二時期。第一時期。爲極樸時代。所有布道費供。盡公會負擔。最堪緬念者。此廿六年長期時間。始而受盡逼迫。教會幾難成立。繼而信從者漸衆。終且結實纍纍。成一大教會。人材倍出。兼設許多支會。均傳道蔡擇聚有以致之。而西國牧師在安海工作最大者。前爲杜嘉德，宣爲霖。（參觀首卷佈道於安海欄內）後爲越約翰等。第二時期爲聘任牧師。實行自治自

養。支堂如金井石井官橋均已分立堂會。尙餘未能盡行自養耳。教會既經成立。遂謀推廣。乃於一八六三年傳入泉州城另敍。一八六五年。傳到祥芝另敍。一八六七年。增設官橋。一八七五年設大盈支堂於林某便屋。五六年後。移入文斗殿。購置黃某宅。此支堂雖式微。而任牧師者有一陳三黃。可謂盛矣。一八七六年。光緒初元。泉州教會成立堂會。以祥芝隸之。時泉州成立。人數僅二十九名。一八八二年。設南安海都東濱支堂。於陳強伯之宅。強伯乃醫士陳天恩伯祖。住東濱將十年。以其地偏。移入石井。同年添設東石支堂於鹽倉。一八八三年。公會特遣傳道周顏水許泰伯。往深滬覓設講堂。以上三堂均陳甘泉任內創設也。深滬爲東方沿海重鎮。亦晉江最大市集。伊時沿海一帶。均無吾徒足跡。惟一八七九年。有洋廈鄉施金川者。在臺灣阿猴信道。任長老職。攜眷回鄉。每到安海守主日。往返三天。故公會擬設深滬。以利便施金川家庭守主日。（深滬去洋廈亦十六里）既租定阜後詹天註店鋪。以時疫大作。停開講堂。一八八四年元月。以中法構兵。深滬渡臺之貨商帆船。

於澎湖被法人掠去者十四艘。深滬人大憤。以詹天註通洋。齊攻之。故教會不得已。以所有堂具。遷往永甯。貢北門董金錠店爲禮拜堂。一八八六年。安海以東石講堂。移設坑口新街。一八八八年。移坑口支堂於涵洲。後再移金井。

按安海教會。於今八十年。爲泉永教會開始。而自前迄今。所獲進教者。亦云多矣。出任牧師傳道。領袖各地教務者不少。僑居泉廈。名醫鉅商。其數亦多。而鎮中紳，商，學，各界之入吾教門牆者。獨賦缺如。有之均鄉落之士。任教會領袖者。其三注意焉。

泉州教會簡史(二)

「包括泉南泉西」(陳宣令遺稿編者增刪之)

泉州者，閩中名郡也。閩侯而外。推爲第一。明清府制。轄屬凡五。晉江，南安，惠安，同安，安溪是也。民國廢府制。而同安縣轄。添思明，金門，兩簡縣，晉江首縣。駐泉州。民庶殷蕃。習慣蠻悍。動輒械鬥。迷信多神，堪輿，星相。以及種種邪說。趨之若鶩。科舉時

代。獨精文壇。宋，元，明，清，翰苑之士夫。執笏之官宦。與閩侯爭鳴。出將入相。鼎甲聯翩。雖在陋巷。亦見多士。故有一時六相，九尚書，兩元，十八學士，之稱。有一科八學士之句。有朝罷歸來笏滿床之佳話。曾姓有祖，孫，父，子，伯，叔，兄，弟，翰林。有父，子，兄，弟，同榜。有五里三狀元。有一姓狀元三已未有白水貫場之預兆。「康熙丁酉科鄉荐泉士中者五十八」種種誇稱。非編史者所注意。敘述一二。使後之閱者。知有此民風，士習。尊孔，迷信。吾道入泉之動輒被迫，攻毀，拆搶，毆辱，種種困難之由來。何得稱異。

聖教傳入安海。艱難備嘗。將十年而未得佳果。故進泉之望。遲遲不得。當斯時也。白水營以及漳浦東西地方。聖教大興。嘉納者日增月盛。各地均謀建堂。而泉地獨抱向隅。牧師杜嘉德。熱心毅力。不以困難而灰厥志。百折不回。犧牲不惜。雖在安海曾有被毆死而甦之痛。仍然前進。念泉之人。濟濟稱衆。兼內地關繫。抱道往拯之心堅決。每率安海傳道蔡擇聚。與會友鄭爽，陳強等。登龍源極峯。向泉城跪禱於上。

帝。賜厥機緣。得進泉地。設立主會。亦每觀石獅，青陽。而求主救。石獅，青陽。雖緩立主會。亦既前後創設。石獅且既成堂會。石獅東南。牧師杜嘉德。所未見及者。教會亦久已遍及之矣。

一八六三年。（同治二年）冬，杜牧師與安海會友鄭爽，陳強等。到泉州南門外新橋尾。寓戲館爲旅舍。日則出門布道。聽者雖多。而信者絕少。數日後回安海。翌年杜牧師再邀蔡擇聚，陳子路，鄭爽，傅寬，陳喇，蘇斑，鄭坦，吳江等。欲再進城傳教。行至五陵。鄭坦被切。到五堡街河溝墘旅舍住宿。欲尋機進城。屢爲人石擊。後在開元寺佈道。聽者五六百人。及被石擊。避入友家得免。又往西街佈道。爲人優待。次日杜牧師與諸同人共往南安縣內布道。信宿回城。日在城市佈道。時有鄰近旅舍之倪相公。（清時稱相公如民國稱先生也）全家悅納主道。優禮相待。因是杜牧師不忍遽去。雖旅舍污穢不堪。亦住一禮拜之久。始回安海。

一八六六年。同治五年春二月。杜牧師第三次。率同蔡擇聚，鄭

爽，謝琛等。進城宿孔子廟側。陳子方祠之旅舍。謝琛泉人。熟識諸事。託租開元寺口之舊館驛。李坦先生之店屋爲講堂。（陳祠對面）未幾，多人信主守安息日。因店屋狹小。蔡擇聚，陳強，鄭爽等。託陳港君。向吳鳴輝子振隆等。租南街頭新花山爲教堂。新花山，原靖海將軍靖海侯施琅書塾。施將軍有書塾曰新花山。對面舊有一花山。故此名曰新花山。施之子孫中落。賣與吳姓。吳姓以此爲賭場。陳港欲私飽。蔡擇聚乃親向吳姓認租。因恐紳士攪擾。故十月十二日。天未破曉。遂卽搬入。翌日衆方周知。有紳士李某之孫某者出阻。居無何。有人唱議。將此堂付之一炬。兼有紳士二百餘人。力爲阻撓。十一月初。黨首李紳孝然。與弟孝治。并李培世三秀才。到堂詰辯。謂不速將去。將必有焚燬之禍。堂中人不信。亦不以爲意。越數日再來堂。聲稱搜取軍裝。十九日冬至。適逢祭冬。孝治同大寺後秀才金作勵。率七八十人。突入劫掠。并將以老拳飽教士黃擇善，鄭國樑。黃鄭二君。笑告之曰。毆打我們何爲。任你們拿去。羣衆曰，拿見李相公。（相公秀才之稱）於是將黃擇善

君髮辮拽去。至施將軍坊脚。（堂外）適三李來。（孝然孝治培世三人）黃君告孝然云。拿我何爲。李云，旣明告。容不得爾住此。爾何必硬欲住此。黃云堂中銀物盡被洗搶。又欲拿我何往。孝然乃唱令釋放。而拿者不肯。孝然以烟柄擊之乃放。由是黃君得脫於難。僱肩輿逃回安海。至西山埔無川費。輿夫不肯往。幸遇莊紳俊元（四川總督）妻舅黃橋君。告貸制錢兩百文。並託入城調查燬堂與諸友之去向。黃橋君許之。當燬搶之時。鄭君國樑逃入對面奎章巷內。一人欲拿之。鄭君曰，衆均在堂搶物。爾獨拿我何爲。其人釋手奔搶。而鄭君得脫矣。鄭爽君與僱堂者伍愛佇視毀搶情形。衆注視。而知其爲堂中人。將其衣服盡行剝取。僅留下衣。時當嚴冬。伍愛逃往文昌宮伍紳冰如家。借用衣服。鄭爽君亦尋友借用。三人乘夜潛回安海。二十早往廈告達於杜牧師。二十一日杜牧師請英領事卹君。照會廈道曾獻德。並將四人送道署。報告毀搶情形。曾道十分刁斥問難。謂汝等旣係勸人行善。人何致毀搶汝等。無乃汝等教人毀棄祖先。挖死人眼睛者乎。曾道蓋同民間一樣迷信謠言。故出此

語也。問畢，送交領事。幸有武員實力保護。駐泉福建陸路提督羅大春服官廉明清正。除暴安良。萬民畏服。聞知毀搶教堂事。立即禁止。嚴戒兵役。如有毀搶教堂者。必就地正法。二十六日曾道尹咨文泉州府沈太守榮桂令其嚴辦。二十八日。沈太尊援周前道尹辦理安海毀搶教堂成案。出示禁阻攪擾之事。翌年晉江縣王佩文將罰款四百又八元。賠補損失。而案以結。六月二十六日。始有南門外三人進教。十月又得三人進教。自是而後。漸得安甯。而辱罵咒詛。時恆不免。教友因不出迎神賽會諸費。輒被窘迫。

一八七二年。同治十一年。因有欲謀害洋人與教堂者。遍佈謠言。謂洋人僱人遍下毒藥於井。一唱百和。故各處有防井關井者。舉國若狂。各地風動。事後調查。全國信徒無一受害。泉州多出揭帖。云須以某藥方改毒。揭帖中載版存三益齋書坊。蔡賢處。且揚言洋人下藥。適新門街李孝廉。見所派之藥過多。向店東詰問。人疑其爲洋人僱倩者。隣右鞋店尤某。眼鏡店董某。出與爲難。始而口角。終乃毆打之。李

云，予自鄉榜題名以來。未嘗如此吃虧。衆方知其爲孝廉。而驚恐至極。李某知書坊與兩廣總督黃宗漢戚屬。故欲執尤某往見。尤懼不敢往。李孝廉乃鳴官拘捕兩店東。與毆打之者。嚴懲了事。而駐廈英領事。亦照會於道尹。欲拘諸人。故蔡賢雖死。而棺木繫鍊。且另有數人下獄。

一八七五年。清光緒元年。與安海分立堂會。而祥芝隸於泉州。是年冬。購買井亭陳振龍大廈一座。以爲禮拜堂。蓋新花山雖屬大街。位置得宜。奈所租者。只三間，兩雀翼，一天井，一小巷。只容一人自爲出入而已。左右店東。未肯讓租。故無奈圖買井亭陳宅。經城中紳士。翰林龔顯曾。舉人王登瀛。黃祺輝。洪安瀾。薛冠三。優貢王海文。秀才李孝然等。數十人執意不可。以該地正在城心。若作教堂。建築樓台。必礙泉州風水。將情具呈晉江縣王錫蕃。王大令乃於光緒二年元月六日。拘業主陳振龍中人楊浚。與陳君弼之弟。收入監房。誣以盜賣公業。而代教會買主蔡擇聚。中人楊克輝。黃擇善逃廈。君弼之母與弟婦。迫君弼投獄。保出伊弟。以君弼實中人也。初七日，君弼代弟繫

獄。獄吏苛索獄費。獄內穢惡不堪。教會以諸人無辜受辱。議給君弼家每月五元。楊浚家四元。惜拔龍受紳士等哄騙。妄認己業爲公業。（其爲己業印照確鑿）望得出獄。果不數月。而得釋放。其業盡歸烏有。此案經英領事照會十餘次。至光緒三年六月。新任晉江縣程起鵬蒞任。始將陳楊二中人省釋。計在獄十八閱月。官紳乃令前案李孝然出爲設法。將南街新花山教堂左右之吳，蔡，粘，莊，四家店屋。盡歸教會。廓充之用。租價仍舊。惟諸紳士。暗令各業主抬高價值。我教會不肯。官紳乃將公款賠墊，准教會築高一丈七尺。其案以了。

光緒三年三月。建築新堂。爲我教會最優美之格式之地點。豈非上帝美意。使我教會得此永遠基業。實當鳴謝不已也。諸紳士仇教。破費不少。乃勒令附近井亭之富戶林獅。出千金以贖陳拔龍之廈屋。林獅不可。因與舉人黃祺輝口角。諸紳士以侮辱斯文。請官究辦。林氏費用數千金。因以破產。可慨也夫。

一八八〇年。光緒六年冬。十一月。醫士顏大關。由英來廈。一八